

Sakspapir

Saksbehandlar	Arkiv	ArkivsakID
Eirik Bouwer Utne	FA - A30, TI - &00	17/600

Saksnr	Utvalg	Type	Dato
73/2017	Kommunestyret	PS	14.06.2017

Vedtekter for Meland kulturskule - revidering

Vedlegg:

Vedtekter for Meland kulturskule - revidering

Vedtekter frå 1. januar 2011

Vedtekter frå 1. mars 2015

Saksopplysningar:

Bakgrunn

Saka om revidering av vedtekter for Meland kulturskule vart i møte i Kommunestyret den 10.5.2017, KS-47/2017, utsett med bakgrunn i korleis inntektsgrensa vert fastsett for redusert eigenbetaling, jf. punkt 21.

Vurdering/Nye opplysningar i saka

Punkt 21 legg i KS-47/2017 fram at ein følgjer satsen for gratis kjernetid i barnehager, som er kr 417 000 brutto per hushold frå 1.1.2017. Denne satsen vert regulert kvart år frå sentralt hald, men ei slik automatisk justering låg ikkje i vedtektpunktet slik det låg føre.

Som etterspurt i møtet den 10.5.2017 kan ein alternativt følgje grunnbeløpet i folketrygden, som er kr 93 634 frå 1.5.2017 og som vert justert frå sentralt hald kvart år i mai. Tilsvarande nivå som for gratis kjernetid i barnehagar vil vere avrunda til 4,5G, som utgjer kr 421 353 brutto per hushald.

Grunngjevinga for å ikkje leggje opp til ei automatisk justering fastsett av sentralt hald, men heller setje eit fast beløp, var at tiltaket er meint innafor eksisterande drift. I framlegg til punkt 21 i KS 47/2017 er det kommunestyret som kan justere inntektsgrensa i den årlege budsjetthandsaminga, saman med satsane for eigenbetaling i kulturskulen.

Ved å heller leggje opp til ei automatisk justering, vil dette kunne over tid få innverknad på kulturskulen sin økonomi. I eit slikt tilfelle vert det vurdert til at tiltaket ikkje kan tilråast sidan ein ikkje kan styre nivået etter kva for budsjettammer som ligg føre til ein kvar tid.

Eit tredje alternativ kan derfor vere å leggje opp til å følgje anten (a) opphavleg framlegg, (b) gratis

kjernetid, eller (c) 4,5 ganger grunnbeløpet, og samtidig setje eit tak på elevvar.

Det vert i saka lagt fram alternative vedtak: (1) det opphavlege med makstal på elevplassar, (2) eitt som følgjer satsen for gratis kjernetid i barnehagar med makstal på elevplassar og (3) eitt som følgjer grunnbeløpet med makstal på elevplassar.

Konklusjon

Kort vurdering av ulike modellar for fastsetting av inntektsgrensa for redusert eigenbetaling i kulturskulen ligg føre, med tre alternative framlegg til vedtak.

Framlegg til vedtak:

Alternativ 1:

Kommunestyret godkjenner at vedtektene for Meland kulturskule vert endra på punkt 7, 13, 17 og 23, slik det går fram av saka i det opphavlege saksframlegget i KS-47/2017. Punkt 21 vert teken inn med tekst:

Hushald med inntekt lågare enn kr 417 000 brutto per år kan søkje kommunen om redusert eigenbetaling, til 50% av gjeldande sats, for barn opp til 16 år med plass i kulturskulen. Med søknaden må det følgje inntektsopplysingar. Fristar er 1. mai og 1. november. Som hovudregel gjeld søknaden ut skuleåret. Makstal på elevplassar med redusert eigenbetaling er 10 plassar. Inntektsgrensa kan endrast som følgje av politisk vedtak.

Dei andre punkta vert ståande som i vedtektene frå 2015»

Alternativ 2:

«Kommunestyret godkjenner at vedtektene for Meland kulturskule vert endra på punkt 7, 13, 17 og 23, slik det går fram av saka i det opphavlege saksframlegget i KS-47/2017. Punkt 21 vert teken inn med tekst:

Hushald med inntekt lågare enn den til ein kvar tid gjeldande satsen for gratis kjernetid i barnehagar brutto per år kan søkje kommunen om redusert eigenbetaling, til 50% av gjeldande sats, for barn opp til 16 år med plass i kulturskulen. Med søknaden må det følgje inntektsopplysingar. Fristar er 1. mai og 1. november. Som hovudregel gjeld søknaden ut skuleåret. Makstal på elevplassar med redusert eigenbetaling er 10 plassar.

Dei andre punkta vert ståande som i vedtektene frå 2015»

Alternativ 3:

«Kommunestyret godkjenner at vedtektene for Meland kulturskule vert endra på punkt 7, 13, 17 og 23, slik det går fram av saka i det opphavlege saksframlegget i KS-47/2017. Punkt 21 vert teken inn med tekst:

Hushald med inntekt lågare enn 4,5 ganger grunnbeløpet i folketrygden brutto per år kan søkje kommunen om redusert eigenbetaling, til 50% av gjeldande sats, for barn opp til 16 år med plass i kulturskulen. Med søknaden må det følgje inntektsopplysingar. Fristar er 1. mai og 1. november. Som hovudregel gjeld søknaden ut skuleåret. Makstal på elevplassar med redusert eigenbetaling er

10 plassar.

Dei andre punkta vert ståande som i vedtektene frå 2015.

Kommunestyret - 73/2017

KS - behandling:

Framlegg til vedtak frå Øyvind H. Oddekalv:

Saka vert utsett.

Utsetjingsframlegget vart samrøystes vedteke.

KS - vedtak:

Saka vert utsett.